

თელავის მუნიციპალიტეტის საკრებულოს

სოციალური, კულტურის, განათლების და ახალგაზრდულ საქმეთა

კომისიის სხდომის

ოქმი N 5

ქ. თელავი

2021 წლის 19 ნოემბერი

თავმჯდომარეობდა: კომისიის თავმჯდომარე ლევან კოჭლოშვილი.

სხდომას ესწრებოდნენ კომისიის წევრები: იოსებ პარწივანაშვილი, ნიკოლოზ მაისურაძე, ირაკლი სულხანიშვილი.

სხდომას აგრეთვე ესწრებოდნენ: ა (ა) იპ თელავის მუნიციპალიტეტის ბაგა-ბაღების მართვის სააგენტოს დირექტორის მოვალეობის შემსრულებელი ია ლუარსაბაშვილი, ა (ა) იპ თელავის მუნიციპალიტეტის ბაგა-ბაღების მართვის სააგენტოს მთავარი ბუღალტერი თამარ ჭიჭაშვილი, თელავის მუნიციპალიტეტის მერიის ჯანმრთელობის დაცვისა და სოციალურ საკითხთა სამსახურის უფროსი გიორგი ენუქიძე, თელავის მუნიციპალიტეტის მერიის კულტურის, განათლების, სპორტისა და ახლგაზრდობის საქმეთა სამსახურის უფროსი მაია დათუნაშვილი, ამავე სამსახურის სპორტისა და ახალგაზრდობის საქმეთა განყოფილების უფროსი შოთა ჩეკურიშვილი, თელავის მუნიციპალიტეტის მერიის საფინანსო საბიუჯეტო სამსახურის უფროსი ნათია ვაყელიშვილი, ა (ა) იპ თელავის მუნიციპალიტეტის კულტურის ცენტრის დირექტორი ზაქარია რაზმაძე, ა (ა) იპ სპორტულ კლუბთა გაერთიანება „თელავი”-ს დირექტორი პაპუნა ხრისტიანი, ა (ა) იპ თელავის კულტურისა და დასვენების პარკების გაერთიანება „ნადიკვარი”-ს დირექტორი გიორგი დაღუნდარიძე.

დღის წესრიგი:

- „თელავის მუნიციპალიტეტის 2022 წლის ბიუჯეტის პროექტის“ და პრიორიტეტების დოკუმენტის 2022-2025 წლებისთვის“ განხილვის შესახებ.

მომხს: ლ.კოჭლოშვილი

- მოისმინეს:
- „თელავის მუნიციპალიტეტის 2022 წლის ბიუჯეტის პროექტის“ და პრიორიტეტების დოკუმენტის 2022-2025 წლებისთვის“ განხილვის შესახებ.

აზრი გამოთქვეს: ლევან კოჭლოშვილმა კითხვით მიმართა ა (ა) იპ თელავის მუნიციპალიტეტის ბაგა-ბაღების მართვის სააგენტოს დირექტორის მოვალეობის შემსრულებელს 2022 წლის ბიუჯეტის პროექტში მოხდა თუ არა ბაგა ბაღების მიმართულებით თანხის ზრდა?

კომისიის თავმჯდომარემ აღნიშნა, რომ ლაფანყურის ბაგა ბაღის შენობა საჭიროებს გადაუდებელ რეაბილიტაციას, თელავის მუნიციპალიტეტის მერიამ უნდა უზრუნველყოს თანხების მომიება რომ მოხდეს მისი რეაბილიტაცია ან და ახალი შენობის აშენება.

კომისიაზე დამსწრე ყველა წევრი დაეთანხმა ლევან კოჭლოშვილის მოსაზრებას.

აგრეთვე 2022 წლის ბიუჯეტში მიზანშეწონილი იქნება თუ მოხდება ხელფასების ზრდა ბაგა ბაღებში მომუშავე პერსონალისათვის რომლებიც აგრეთვე სტატუსის მიხედვით ისარგებლებენ თანაბარი ხელფასის ოდენობით.

ია ლუარსაბაშვილმა აღნიშნა, რომ 2022 წლის ბიუჯეტის პროექტში ბაღების მიმართულებით თანხა გაზრდილია 171 689 (ასსამოცდათერთმეტი ათას ექსასოთხმოცდაცხრა) ლარით. პრიორიტეტი მიენიჭება კვებას, ემატება თანხები საოფისე და კომუნალურ გადასახადებს.

ირაკლი სულხანიშვილმა აღნიშნა, რომ მიზანშეწონილია სამედიცინო და მედიკამენტებით დახმარების პროგრამა რომელიც ერთჯერადია და ბენეფიციარი ზოგჯერ ვერ ახერხებს მისი კუთვნილი 300 ლარის ერთჯერადად გამოყენებას გახდეს მრავალერადი. აგრეთვე შეშის პროგრამაში მოხდეს თანხის დამატება

და 100 ლარის ნაცვლად ბენეფიციარები დაფინანსდნენ 200 ლარის ოდენობით.

ლევან კოჭლოშვილმა აღნიშნა, რომ მუნიციპალიტეტი კულტურული ღონისძიებებისათვის ქირაობს აპარატურას, კარგი იქნება თუ მოხდება აპარატურის შეძენა ამით მუნიციპალიტეტს ექნება ნაკლები ხარჯი ხოლო მისი გაქირავებით მიიღებს დამატებით შემოსავალს. აგრეთვე მიზანშეწონილად მიიჩნია პარკ ნადიკვარზე არსებული დაზიანებული ატრაქციონების აღდგენა.

გადაწყვიტეს: თელავის მუნიციპალიტეტის მერიამ გაითვალისწინოს კომისიის სხდომაზე გამოთქმული წინადადებები და 2022 წლის ბიუჯეტის პროექტში გამოყოს თანხები ზემოაღნიშნული პროექტების განსახორციელებლად.

კომისიის თავმჯდომარე:

ლევან კოჭლოშვილი.